

# A I R E A M H.

fiad iad féin 'an aghaidh Mhaois agus 'an aghaidh Aaron.

3 Agus throid an sluagh re Maois, agus labhair iad, ag ràdh. B'fhearr gu'm bitheamaid air faghail bàis an uair a bhàsaich ar bràithrean 'an làthair an Tighearna.

4 Agus c'ar son a thug sibh anios co'-chruinneach an Tighearna do'n fhàfach so, gu bàs fhaghail 'an sin, sinn féin agus ar spréidh.

5 Agus c'ar son a thug sibh oirne teachd anios as an Eiphit, g'ar toirt a steach do'n droch àite so? cha'n àite sil e, no fhìgis, no chrann-fìona, no phomgranata, ni mò *ta* uisge ann r'a ol.

6 Agus chaidh Maois agus Aaron o làthair a' cho'-chruinnich gu dorus pàilliuin a' choi'-thionail, agus thuit iad air an aghaidh: agus dh'fhoillsicheadh glòir an Tighearna dhoibh.

7 Agus labhair an Tighearna re Maois, ag ràdh,

8 Gabh an t-flat, agus cruinnich thus' an coi'-thional 'an ceann a' chéile, thu féin agus Aaron do bhràthair, agus labhairibh ris a' charraig fa chomhair an fùl, agus bheir i seachad a h-uisge; agus bheir thusa mach uisge dhoibh as a' charraig, agus bheir thu deoch do'n choi'-thional, agus d'an spréidh.

9 Agus ghabh Maois an t-flat o làthair an Tighearna, mar a dh'àithn e dha.

10 Agus chruinnich Maois agus Aaron an co'-chruinneach 'an ceann a' chéile fa chomhair na carraige, agus thubhairt e riu, Eisdibh a nis, a luchd-cean-

nairc; as a' charraig so am feum sinne uisge thoirt duibh?

11 Agus thog Maois suas a làmh, agus bhuail e charraig le fhlaith dà uair: agus thàinig an t-uisge mach gu pailt, agus dh'òl an co'-chruinneach, agus an spréidh.

12 Agus labhair an Tighearna re Maois agus re h-Aaron, A chionn nach do chreid sibh mi, chum mo naombachadh ann an fùilibh chloinn Israeil, uime sin cha d'thoir sibh a steach an co'-chruinneach so do'n fhearrann a thug mise dhoibh.

13 Is e so uisge Mheribah, a chionn gu'n d'rinn clann Israeil strì' ris an Tighearna: agus naomhaicheadh e annta.

14 Agus chuir Maois teachdairean o Chades gu rìgh Edoim, Mar so tha do bhràthair Israeil ag ràdh, Tha fios agad air an t-saothair sin uile a thàinig oirne:

15 Mar a chaidh ar n-aithreacha sìos do'n Eiphit, agus a ghabh sinn còmhnuidh 'san Eiphit aimfir fhada<sup>b</sup>: agus bhuin na h-Eiphitich gu h-olc ruinne, agus r'ar n-aithreachaibh.

16 Agus an uair a ghlaodh sinn ris an Tighearna, chual' e ar guth, agus chuir e aingeal uaith, agus thug e mach sinn as an Eiphit: agus feuch, *tha* sinn ann an Cades, baile 'fa' chuid a's iomallaiche do d' chrìch.

17 Leig leinn, guidheam ort, dol tred' dhùthaich: cha d'théid sinn tre achadh sam bith, no tre fhìon-lios, ni mò dh'òlas sinn uisge nan tobar: imichidh sinn air rathad *mar* an rìgh, cha tionndaidh